



Broj: 20-02-115-3/23
Sarajevo, 10.03.2023. godine

Na osnovu člana 19. st. (1) i (2) Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

ODLUKU

(1) Nakon provedenog postupka utvrđivanja postojanja sukoba interesa za Khattab Lejlu, Ured za borbu protiv korupcije i upravljanje kvalitetom Kantona Sarajevo utvrdio je postojanje sukoba interesa za imenovanu, jer ista obavlja dvije javne funkcije, i to javnu funkciju vijećnice u Općinskom vijeću Općine Centar Sarajevo i javnu funkciju direktorice Fonda Kantona Sarajevo za izgradnju stanova i samim tim je povrijedila odredbe člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Khattab Lejla da podnese ostavku ili na drugi način da odstupi sa jedne nespojive funkcije navedene u tački (1) ove odluke, i to u roku od 30 dana od dana prijema ove odluke i da o istom obavijesti Ured za borbu protiv korupcije i upravljanje kvalitetom Kantona Sarajevo.

Obrazloženje

Ured za borbu protiv korupcije i upravljanje kvalitetom Kantona Sarajevo zaprimio je od strane fizičkog lica, 04.01.2023. godine, prijavu sukoba interesa u kojoj se navodi da Khattab Lejla obavlja dvije javne funkcije, i to javnu funkciju vijećnice u Općinskom vijeću Općine Centar Sarajevo i javnu funkciju direktorice Fonda Kantona Sarajevo za izgradnju stanova, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno. U cilju utvrđivanja tačnosti navoda iz zaprimljene prijave, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak za utvrđivanje postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je po službenoj dužnosti, Rješenjem broj: 20-02-115/23 od 04.01.2023. godine pokrenuo postupak za utvrđivanje postojanja sukoba interesa za Khattab Lejlu.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-02-115-1/23 od 05.01.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanu o pokrenutom postupku za utvrđivanje postojanja sukoba interesa za istu, te je zatražio pismeno izjašnjenje na navode iz ove obavijesti. U prilogu akta od 05.01.2023. godine, imenovanoj je dostavljeno Rješenje broj: 20-02-115/23 od 04.01.2023. godine. Izjašnjenje na navode iz Obavijesti o pokretanju postupka za utvrđivanje

postojanja sukoba interesa i zahtjev za pismeno izjašnjenje, Khattab Lejla nije dostavila Uredu za borbu protiv korupcije i upravljanje kvalitetom Kantona Sarajevo, do dana sačinjavanja ove odluke.

Postupajući po službenoj dužnosti, a u cilju pravilnog odlučivanja u predmetnom slučaju, Ured za borbu protiv korupcije i upravljanje kvalitetom Kantona Sarajevo obratio se Centralnoj izbornoj komisiji Bosne i Hercegovine, Zahtjevom za dostavljanje informacija i dokaza, broj: 20-02-108-2/23 od 16.02.2023. godine, u kojem je zatraženo od ove komisije dostavljanje informacije da li imenovana obavlja javnu funkciju vijećnice u Općinskom vijeću Općine Centar Sarajevo i kopiju akata o dodjeli mandata za navedene javne funkcije, odnosno kopiju akata iz kojih je vidljivo da je imenovanoj eventualno prestao mandat. Ured za borbu protiv korupcije i upravljanje kvalitetom Kantona Sarajevo obratio se i Fondu Kantona Sarajevo za izgradnju stanova, Zahtjevom za dostavljanje informacija i dokaza, broj: 20-02-115-1/23 od 16.02.2023. godine, u kojem je zatraženo dostavljanje informaciju ko trenutno obavlja funkciju direktora/ice Fonda Kantona Sarajevo za izgradnju stanova i kopiju akta o eventualnom razrješenju Khattab Lejle sa javne funkcije direktorice Fonda Kantona Sarajevo za izgradnju stanova.

Ured za borbu protiv korupcije i upravljanje kvalitetom Kantona Sarajevo je 06.03.2023. godine zaprimio akt, broj: 06-55-I-1/23 od 28.02.2023. godine, Fonda Kantona Sarajevo za izgradnju stanova, Upravnog odbora, u kojem se navodi da Khattab Lejla trenutno obavlja funkciju direktorice Fonda Kantona Sarajevo za izgradnju stanova, u skladu sa Odlukom o imenovanju direktora Fonda Kantona Sarajevo za izgradnju stanova, broj: 06-55-O-5-9, koju je donio Upravni odbor 31.10.2022. godine. Vlada Kantona Sarajevo je 03.11.2022. godine donijela Odluku o davanju saglasnosti Upravnom odboru Fonda Kantona Sarajevo za izgradnju stanova za imenovanje direktora Fonda broj: 02-04-44837-18.2/22.

Ured za borbu protiv korupcije i upravljanje kvalitetom Kantona Sarajevo je 09.03.2023. godine zaprimio akt Centralne izborne komisije Bosne i Hercegovine, broj: 06-1-07-1-221-2/22 od 07.03.2023. godine, u kojem se navodi da je Khattab Lejla, na Lokalnim izborima 2020. godine izabrana za vijećnicu u Općinskom vijeću Centar Sarajevo, kao kandidat političkog subjekta SDA – Stranka demokratske akcije.

Na osnovu navedene dokumentacije koju Ured za borbu protiv korupcije i upravljanje kvalitetom Kantona Sarajevo posjeduje, utvrđeno je da Khattab Lejla trenutno obavlja dvije javne funkcije, i to javnu funkciju vijećnice u Općinskom vijeću Općine Centar Sarajevo i javnu funkciju direktorice Fonda Kantona Sarajevo za izgradnju stanova, što predstavlja povredu člana 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno, i samim tim imenovana je u sukobu interesa.

Shodno navedenom, Ured za borbu protiv korupcije i upravljanje kvalitetom Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

Pouka o pravnom lijeku: Ova odluka je konačna i protiv iste nosilac javnih funkcija može pokrenuti upravni spor.



Dostaviti:

1. Khattab Lejla (
2. Za objavu na internet stranici Ureda za borbu protiv korupcije i upravljanje kvalitetom Kantona Sarajevo,
3. a/a.

